

KIHANTHAWNNA

- Ginlian-

Tuni'n kihanthawna toh kisai I genna diing ah taksa lam thilte a kihanthawna pen hizawlou in Khalam thute a kihanthawna pen gen zoleng I chi ahi. Bible dungzui a kihanthawna tuh mi kuahiam van thak neih hoih vasak pihlua a kipahpihna thu vagen hiam, ahikeileh kuahiam salam lohchinna va kipahpih a hong lohching touzel in va chihna ahikei. Hiaidante kua hiam self-esteem boost nadin phatuam kha in teh himahleh tuni a I gen ut Laisiangthou toh kituak a kihanthawna tuh khalam thil toh kisai a Khris a unaute khat leh khat kiasot tuahna leh khat leh khat kitungding tuahna thu ahizhiak in thupi in a manpha hi.

Kihanthawn I chih chiang in Unau khat in Khalam a hatzawksem, khalam a tua sang a ginom zawk semna ahikei leh Khamuanna a neih diing lametna a unaute khat leh khat kihanthawn tuahna ahi (Kolossate 4:8). Thukhunthak ah leng Kihanthawna / kiasotna pen Saptuam sung a ana om mah ahi chih Laisiangthou tungtawn in I mu thei uhi (Nasepte 13:15, 18:27, 20:1-2).

Nungzui masate leng Laisiangthou thute kia zang in ana kiasuan uhi:

1. Ginna a om gige diing (Nas 14:22, Heb 10:23)
2. Lametna nei diing (Rome 15:4)
3. Lungsim mun khat pu diing (Rome 15:5)
4. Thutak theihna hih kip (Nasepte 15:32)
5. Itna leh thilhih hoih diing in (Heb 10:24)
6. Kuhkal taka a pang diing in (Heb 10:25) ana ki hasuan tuah uhi.

Kiasotna leh kihanthawna pen Unau khat leh khat khalam a hatzoksemna diing leh kitunding tuahna diing a poimawh mahmah ahi chih thei leng uthuai I sa ahi. Pathian in kiasot tuahna pen a tate kiang a ana ngiat ahi. Huai mahbang in eiten leng kiasot tuahna kipawimawh gige ahi. Johan 16:33 na ah Jesun "Khowel ah gimthuakna na nei diing uh" ana chi a huai zoh in "Himahleh Khamuang takin om un, ken Khowel Kazouta" chin in honna hanthawn hi.

Bangziak a kihanthawna/hasotna poimoh hiam chih I en suk lai diing -

I tenna uh Khowel a sia a, angmasialna, nekukna leh khemna tampi tuah theihna ahi a, huaizhiak mah in unaute I kiasot/ I kihanthawn tuah uh poimoh mahmah hi.

1. Zeetna tuak diingte I hi uh (1 Peter 4:12)
2. Sawina tuak diingte I hi (Johan 15:20, 2Tim 3:12) Huai ban ah
3. Khemna chiteng tuak diingte I hi (Jakob 1: 2).

Hiai thilte tengteng tuak thei diing a chiamte I hihman un Khat leh khat kiasot tuahna a om louh chiang in Khowel khemna a mangthang thei, haksat hun a thuk zoulou a puksia ahikeileh zeetna I tuah hun a taisia in i om thei hi. Huaizhiak in tuni in unaute'n athak in kiasotna pen tawpsan kei leng I chi ahi. Kiasotna pen a omlouh chiang in unau ki iitna, kilainatnate kiamsak a, kigamlaatna, kinelhsiahna leh kipoimohngaih louhna hong omthei hi. Pathian in ei a tate niteng a kiasuan tuah diing in hon chial hi (Heb 3:13). Hiai a I muh theih chu, khelhna a I puuk siat louhna diing a niteng a I kiasuan tuah diing uh ahik chih ahi.

Bang chi'n I kihanthawn/hasuan thei a**1. I thilh hihte ah/ I nasepte ah**

Barnaba – Agam neih zuak in a zuakna man pen Sawltakte kiang ah apia hi (Nasepte 4:37). Thilhoih hihte tungtawn in leng hoih hih diing a kiasuan tuah theih ahi. Panpihna thilpiak I tawikhawnte un unau khat leh khat I awlmohna hong lang sak a, huai tuh I kihanthawna uh khat leng ahi.

Zaleenna I neihte pilvangtak a zang a kua hiam khalam a hat lou pukna diing a thil hih louh tuh I kihanthawna uh khaat ahi chih haihkei ni (cf. 1Kor 8:10 - 13).

2. Thute ah:**Ginna a ding kip diing a kiasuan (Nasepte 14:22)**

Laikhak (Nasepte 15: 31, 32), Jentel Khristiante kiang a laikhak I muthei. Tu chiang in bel eiten laikhak I zang lonawn kei ua tu hun a I zat deuh taangpi chu social media khong ahi diing. Unau khat leh khat ki call tuah, haksat thuk, ginna a bahdeuh a I theihte bang, hasot a thute bang message a khak, ahikeih leh call a kihoupih chihte bang leng I hih theih khat ahi.

Thugente ah (1 Kor 14: 30-31).**3. Kithuahkhawmna limsak in.**

Biakkhawmna leh taksa a Kikhopnate tawpsan lou a huaite a phatuam ngaitak a kihel gigena tuh unaute khat leh khat I kiasuantuahna uh hoih mahmah khat ahi (cf. Heb 10:25). Biakna I limsak a, unaute toh kithuah khawmna I limsak chiang in Pathian bia kia kihilou in unaute leng hasuan kha I hihlam I phawk thak uh deihhuai kasa hi.

Tuni a I gen ut ahileh, kiasotna poimawh ahi. Unau khat leh khat Laisiangthou thute toh kituak a kiasot poimawh ahi. Bangziak a pawimoh ahia I chih leh, I gen taaksa mahbang in, zeetnate, khemnate, natnate leh sawinate tuak diingte I hiziak in, hiaite tengteng I tuah hun chiang a leng puuk sia mai lou a, douzou a I ginna pen I letkip theihna diing a unaute'n I theihnate I khansak a, I kiasot a, I kithuhilh poimawh mahmah ahi. Huai banah, I thilhih hoihthe in I kiasuan thei a, thu leh late in I kiasuan thei a, taksa a kikhopna munte a va telna tungtawn in I kiasuan thei uhi. Hiaite tungtawn in I kiasuan thei ahi chih I genop ahi. Kiasotna tuatan in leng I pibawl ua maban hunte a leng nakzawsem in panla toulai ni chih I kingetna uh ahi.

PLACE OF WORSHIP

Yusuf Sadan, Secred Heart
Cathedral, Ashoka Road,
Delhi - 110001

Phone No. 9953968807
website : www.cocdelhi.org

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Enkaitu : Jamson Guite

BIBLE CLASS

Class

Adult : James, Siamkhanmuan
Inter. : Biakmang & Jamson
Junior : Minlun & Suanlian
Primary : Vungngaihkim & Rose
Beginner : Chingkhanlun & Nuam

Teacher

**TOUPA NI'
THILPIAK**

Date 3.9.2023 = 46,910-

LAI SIANGTHOU TANG TEL

**Toupa leh a hatna zong unla: a mel zong gige un. A hihzohsa
a nasep lamdangte, a thillamdangte, leh a kam a
vaihawmte theigige un" - Sam 105:4&5**

THU TUAMTUAM

THU TUAMTUAM

BIAKNA HUNZEEK

TOUPA' NI

DATE 10.9.2023

GROUP 1

Hun-uk thumna : Thangzalam
Lapi : Jangminthang
Thilpiak : Doukhankhual
Theihgigena : Thongginlian
Thugen : Siamkhanmuan
Thumna : Thanglianmang

GROUP 2

Hun-uk thumna : Thangbiakmang
Lapi : Jangthang
Thilpiak : Kammuanlal
Theihgigena : Khamminthang
Thugen : Jamson
Thumna : Pauminthang

MIDWEEK ONLINE BIBLE CLASS

DATE 13.9.2023

Thumna : Thangdouliau
Sinsaktu : Chuck Horner
Thumna : Jangthang

KIGINNI

DATE 16.9.2023

Hun-uk thumna : Kammuanlal
Lapi : Gin Samuel
Thugen : Pauminlun
Thumna : Janglet

TOUPA' NI

DATE 17.9.2023

Hun-uk thumna : Kammuanlal
Lapi : Gin Samuel
Thilpiak : Thangbiaklun
Theihgigena : Janglet
Thugen : Thangbiakmang
Thumna : Kamkhenthang

MUN NIH A KIKHOP HI DIING

❖ G-20 khawmpi ziak in biakna mun ngeina zat theihloun in om. Huai-ziak in amun thoveng zaw South Delhi lam a unaute inn a tu Toupa Ni biakna neih lemigel ahi. Group nih in kikhen a group khat in unaupa Siamkhanmuan inn ah biakna nei diing uh a, adang khat in unaupa Nekkhothang inn ah biakna nei diing hi.

BUSINESS MEETING

❖ Zan kiginni in Saptuam business meeting neih in om nawn hi. Workplan dungzui in unaupa James inn a neih diing chih himahleh lemtangzaw gelna in unaupa Jamson inn a neih in om hi. Hiai hun ah maban a Lecture-ship program diing toh kisai genkhawmna leh thu poimoh tuamtuam ngaihsut khawm na om hi.

ONLINE IN BIAKNA KINEI

❖ I gam vai ziak a paikhawm a biakna a lem theihloun ziak in zan kiginni (date 9/9/2023) biakna pen online tungtawn a neih in om hi.

KIPAHTHU GENNA

Ka pa uh unaupa Ngulkhenthang in ahon omlouhsanna tung a ka lung ngaihna uh hon nem a, ka puakgik uh hon donzangtu Delhi a Toupa Saptuam deihthoh huaitakte tung ah ka kipahna uh sangpen ka hon pulak uhi.

Sunna hun na hon zatpilh ban uah unaute'n khuttawi lianpipi na hon neisawsawn lai ua thupi ka hon saptmah uhi. Noute kalsuannate ziak in unaute lak ah ki-itna a om chih ka muh thakthak ziak un Toupa min ka phat uhi.

Unau ki-itna omzel hen!

Jamson leh a innkuante

NGAPLOU

❖ Unaupa Siamkhanmuan kal paisa sung in hitang khosik ziak in ngaplou in ana om hi. Tun ahiehleh Pathian panpihna toh dam nawnta. Damna hoizaw ahon neih ziak in i kipak uh.

INN KISUAN UH

❖ Kal paita sung in unaunu Ngaikhoman-te'n a inn luahna uh ana khek uhi. Munirka sung mah bel hi a himahleh a ma a aluahna sang un lianzaw a, nuam leng nuamzaw tham hi.

❖ Unaupa Thanglianxhup inleng a sepna a khek toh kition in kal paita nilaini in Kisangarh ah amah kia in inn ana luahtak hi.

HONGTUNG KIKTA UH

❖ Unaupa Ngulkhenthang sihna toh kisai a Lamka lam a va pai unaupa Jamson-te nupa huai lam a ni 4 vel ava om nung un damtak in Delhi hongtung kinkawnta uhi. Damtak a hong tunkik nawn theih ziak un kipahhuai isa uhi.

❖ Unaupa Siamkhanmuan office lam vai toh kisai in Itanagar lam ah kal masa in ana zinkhia hi. Amah leng kal paisa kiginni in Delhi hongtung kinkawnta hi.

CHURCH OF CHRIST, DELHI

Financial Report

August, 2023

Opening Bal.	11,86,077.26
Total Recd.	1,85,270.00
Grand Total	13,71,347.26
Total Expnd.	2,54,351.00
Closing Bal.	11,16,996.26